



Clypeus Theologiæ Thomisticæ

In Tres Partes Divisus, Et Quinque Volvminibvs Comprehensvs

Tractatus de Beatitudine, de Actibus humanis, eorumque Moralitate, de
Virtutibus ac Donis, de Vitiis ac Peccatis, & de Legibus, nec-non
Dissertationem Theologicam de Probabilitate

Gonet, Jean-Baptiste

Coloniæ Agrippinæ, 1671

§. II. Rejiciuntur tres primæ sententiæ, & quarta statuitur

[urn:nbn:de:hbz:466:1-78232](https://nbn-resolving.de/urn:nbn:de:hbz:466:1-78232)

DE LEGE

NATURALI.

§25

§. II.

Rejiciuntur tres prima sententia, & quarta statuitur.

Dico primò: Lex naturalis non consistit in ipsa natura rationali, quatenus ratione sue essentia talis est, ut aliquæ actiones sint illi moraliter convenientes & honestæ, aliae repugnantes & indecentes.

¶ Probatur primò: Lex naturalis est verè & propriè lex, omnes enim Philosophi & Theologi loquuntur de illa tanquam de vera & propria lege: Sed ipsa natura rationalis præcise sumpta, non potest dici verè & propriè lex: Ergo lex naturalis in ea consistere nequit. Major constat, Minor probatur. Lex est aliquid rationis, id est actus intellectus practici, aut aliquid constitutum per ipsum, ut disp. i. art. i. ex D. Thoma ostendimus: Sed natura rationalis non est actus intellectus, aut aliquid constitutum per ipsum: Ergo natura rationalis præcise sumpta, non potest dici verè & propriè lex.

5. Probatur secundò: Effectus legis naturalis, quales sunt dirigere, illuminare, obligare, & esse regulam humanarum actionum, immediatae proveniunt a dictamine rationis: Ergo non in ipsa natura rationali, sed in dictamine rationis, consistit lex naturalis. Consequens pater, quia in illo essentialiter consistit lex, quod immideate tribuit proprios effectus legis. Antecedens verò probatur, nam ante dictamen rationis, quo indicatur vel ostenditur aliquid esse bonum vel malum, non obligatur homo moraliter, nec eius operationes diriguntur aut regulantur in esse moris, ut de se patet, & constat in his qui usi rationis carent.

6. Probatur tertio: Lex debet distinguui ab eo cui imponitur, sicut id quod obligat, ab eo quod obligatur: Sed natura rationalis, cum sit ipsa essentia & natura hominis, non distinguitur ab homine: Ergo non potest esse lex naturalis respectu illius.

7. Demum probati potest conclusio, destruendo præcipuum fundamentum adversæ sententia: Idecirco enim Vazquez & Merarius legem naturalem in ipsa natura rationali consistere volunt, quia (inquit) ipsa natura rationalis est fundamentum & mensura legis naturalis, & honestatis ipsius, quatenus quæcumq; præcipit aut prohibet lex naturalis, per se decent aut decent naturam rationalem: Sed hæc ratio nullæst: Ergo ruit præcipuum fundamentum adversæ sententie. Minor probatur, quia quidquid est fundamentum & mensura legis, aut honestatis, non est propterea lex; nam v. g. fælicitas publica est mensura & fundamentum legum humanarum, nec propterea est ipsa leges humanæ. Indigentia pauperum est fundamentum & mensura legis aut præcepti faciendo elemosynam, sed non propterea est ipsa lex. Addo quod, si natura rationalis esset lex actuum nostrorum, eo quod illam decent, sequeretur pari modo naturam divinam esse legem actuum dñinorum liberorum, quia pariter tales actus illam decent: Sed hoc dici nequit, cum nullus Patrium vel Doctorum sic loquatur: Ergo nec illud.

8. Dico secundò, lex naturalis non est ipsum lumen intellectuale in actu primo, seu vis discernendi honesta & turpia. Hæc conclusio patet ex dictis in precedentibus, ostendimus enim legem na-

A turalē consistere in ordinatione seu dictamine rationis: At ordinatio seu dictamen rationis, non est ipsū lumen intellectuale in actu primo, sed actus secundus potentie intellectiva: Ergo lex naturalis non est ipsum lumen intellectuale in actu primo, seu vis discernendi honesta & turpia. Addo quod, Deus habet lumen sibi connaturale, quo perfectissimè cognoscit quæcumq; honesta & turpia, & tamen non habet legem propriè dictam: Ergo tale lumen habituatu non est propriè lex naturalis: si enim esset lex naturalis respectu nostri, esset etiam respectu Dei.

Dico tertio, lex naturalis non consistit in dictamine & judicio solùm ostensivo boni & mali, sed etiam præceptivo, nimirum in actu imperij ad ea quæ tali lege præscripta sunt obligantibus.

¶ Probatur primò: Lex naturalis est verè & propriè lex, omnes enim Philosophi & Theologi, ut supra dicebamus, de ea ut de vera & propria lege loquuntur: Ergo non consistit in judicio solùm ostensivo boni & mali, sed etiam præceptivo. Consequens pater, tum quia de ratione legis verè & propriè dicta est præcipere, cum sit actus prudentiæ, quia præceptiva est, unde illa consistit formaliter in actu imperij, ut disp. i. art. i. declaravimus. Tum etiam, quia lex verè & propriè dicta, est regula & mensura bonitatis aut malitiae moralis actus humani, ut docet D. Thomas supra quest. 90. art. i. Sed judicium solùm ostensivum boni & mali, non potest esse regula & mensura bonitatis aut malitiae moralis actus humani; quia supponit bonitatem & malitiam actus humani, & tantum indicat illam; regula autem & mensura aliquid regulat & mensurat, non potest supponere existendum & commenstrandum cum illo, aut obliquitatem & diffinitatem, cum tali rectitudine & obliquitas depédeant à regula & mensura: Ergo &c.

¶ Confirmatur primò: Quando homo peccat contra legem humanam, præcedit judicium ostensivum malitiae illius actus, tamen tale judicium non habet rationem legis, ut de se constat: Ergo similiter quando peccat contra legem naturalem, licet præcedat judicium ostensivum malitiae illius actus, tamen tale judicium, ut præcise & formalissime loquendo solùm est ostensivum illius malitiae, non habet rationem legis.

E Confirmatur secundò: Deus habet judicium ostensivum eorum quæ decebat aut dedecent suam naturam, contra quod ipse non potest operari, & tamen non habet legem propriè dictam: Ergo si lex naturalis sit verè & propriè lex, non potest consistere formaliter in dictamine & judicio solùm ostensivo boni & mali, seu eorum quæ decent aut dedecent hominis nat- turam.

¶ Probatur secundò conclusio: Lex naturalis nihil aliud est, quam participatio legis æternæ in creatura rationali, ut docet D. Thomas supra q. 91. art. 2: Ergo non consistit in dictamine & judicio solùm ostensivo boni & mali, sed etiam præceptivo. Consequens pater, quia lex æterna, prout sic est præceptiva: Ergo id quod per modum legis participat illam, participat esse finaliter vim præcipiendi.

§. III.

Solvantur objectiones.

O bjetio primò contra primam conclusio- nem: Sunt aliquæ operationes ita intrinse-
ca

Vnu 3